



Universitätsbibliothek Paderborn

**Veri & Pii Sacerdotis Idea Seu Vita R. D. Iacobi
Merlo-Horstii, Pastoris B. Mariæ Virginis In Pascvlo
Coloniæ, SS. Theol. Licent.**

Crombach, Hermann

Coloniæ, 1645

Praxis breuissima piè celebrandi, & co[m]municandi tum ante, tu[m] post
Missam, & Co[m]munione[m] vtilis.

urn:nbn:de:hbz:466:1-14591

Quidquid vident Laici vobis displicere,
 Dicunt procul dubio sibi non licere:
 Quidquid vos in opere vident adimplere,
 Credunt esse licitum, & culpâ carere.
 Cum Pastores ouium sitis constituti,
 Non estote desides, sicut canes muti:
 Vobis non deficient latratus acuti,
 Lupus rapax inuidet ouium saluti.

Addamus Praxim ipsam celebrandi,
 quam seruare solitus postea typis seorsim
 excusam etiam communicaturis accom-
 modauit.

P R A X I S B R E V I S S I M A
 piè Celebrandi & Communicandi,
 pro Sacerdotibus & Laicis:

Tum ante, tum post Missam & Commun.
 ytilis.

Obserua h̄ic Actus præcipuarum
 virtutum.

Adorationis & Grat. Act.

O Dulcissime Saluator, Christe IESV,
 qui ex nimia charitate nos misere-
 perditos redemisti pretio Sanguinis tui:
Et

Et in huius Amoris tui memoriam , nec non in pignus futuræ gloriæ , tam admirabili Potentia , Sapientia & Bonitate dedisti nobis in cibum & potum ipsum Corpus & Sanguinem tuum : Denique ad hæc diuina Mysteria , me vilissimum peccatorum in numerum tuorum [*Sacerdotum*] Seruorum tua ineffabili clementia vocare dignatus es.

Adoro te ex toto corde , & gratias tibi ago ex intimis visceribus animæ meæ , pro tam immensis beneficijs tuis ; & affectus omnium Electorum tuorum mihi medullitus opto , vt placere tibi possim in hoc opere , quod facturus sum . (veliam feci .)

Contritionis.

Sed heu me miserum , qui hactenus tam indignè vocatione mea vixi , & toties , & tam grauiter te DEVUM meum offendit peccatis meis (præsertim his N...) Sed nunc de ijs Doleo ex intimo corde meo , ob Amorem tui super omnia : & deinceps Tibi soli seruire , placere , & adhærere propono .

Puræ Intentionis.

Proindeq; nunc accedens ad Mensam Con-

Conuiuij tui, ex omni affectu cordis mei
Tibi [hoc Sacrificium, Missæ] dignissimam
hostiam Corporis & Sanguinis tui, quam
tu ipse semel pro nobis in Ara Crucis ob-
tulisti; offero ad laudem & gloriam æternæ
Maiestatis tuæ; In mémoriam sacratissi-
mæ Incarnationis, Vitæ, Passionis ac Mor-
tis tuæ.

In gratiarum actionem pro omnibus
donis & beneficijs, toti cœtui Electorum,
& mihi indignissimo peccatori hucusque
præstitis: vel vñquam præstandis.

Pro salute quoque Fidelium Vino-
rum N... Et solatio Defunctorum N...

Et vtinam ex omni affectu, feroore &
desiderio Amicorum tuorum, seu iam re-
gnantium in celis, vel adhuc militantium
in terris, hoc tam grande tuæ pietatis o-
pus peragere possem. (vel potuiss. m.)

Fidei.

Corde siquidem Credo, mi Iesv, & ore
confiteor, quia Pater æternus, Deus sei-
pso summè beatus, potens, perfectus, &
nullius egens, secundum infinitam miser-
icordiam suam sic dilexit Mundum, ut
Te Filium suum Vnigenitum nobis daret
Saluatorem.

Cre-

Credo quoque, quod Tu ipse Patri æqualis per omnia, ex vi immensæ charitatis tuæ de sinu Patris descendisti in veterum Virginis, & propter nos homines HOMO FACTVS ES. Et quod ex amore nostri hoc Sacramentum in ultima Cœna instituens, verum Corpus & Sanguinem tuum, id est, Te ipsum nobis ad manducandum dedisti. Et denique Patri tuo factus obediens usque ad mortem, Temet ipsum pro nobis Hostiam in Ara Crucis obtulisti.

Spei.

Ideoq; *Spero in te, magna fiducia venio ad te, ô Domine, qui nostri causla tam mira facere ; & tam dira pati voluisti. Quid enim negabis, qui sic amasti, ut te ipsum dares?*

Amoris.

Amo Te quoque, ô bone IESV, ex tota virtute cordis mei, & semper deinceps, & in æternum amabo, si tu dederis.

Oblationis & Resignationis sui.

Sed quid retribuam tibi, Domine, pro tanto munere, & pro omnibus, quæ retrahisti mihi? Ecce, me ipsum totum, Corpus,

pus, Animam, & omnia offero in omne
beneplacitum benignissimæ voluntatis
tuæ.

*Humilitatis, & Unionis cum meritis
Christi.*

Verum quid habeo, quod non acceperim? Quid vilis creatura, vermis terræ,
miser peccator, pauper & seruus inutilis
præstare poterit DEO, Creatori ac Domi-
no suo? Tu ipse potius, ô Domine, ut pote
Aduocatus & Mediator meus, diues in
meritis & miserationibus suscipe caussam
meam.

Et ex thesauro immense charitatis tuæ
fer opem inopiam meam: & pretium Sanguini-
tui, omniumque meritorum tuorum
repræsenta æterno Patri tuo; & hinc sup-
ple omnem defectum meum, præcipue
huius meam, heu, nimis modicæ & imper-
fectæ præparationis, qua ad hæc SS. my-
steria venio, ut sic Ei per Te placeat obse-
quium indignissimæ seruitutis meæ.

Postulationis.

Fac etiam, ô Bone IESV, per omnes mi-
serationes tuas, ut hoc tremendum My-
sterium & admirabile donum charitatis
tuæ, debitâ semper Fide, Reverentia &

B

Gra-

Gratitudine prosequar: idq; puro & ardentि corde nunc & semper recipiam.
Statum hunc quoque meum N. ad quem
me ex singulari gratia vocare dignatus es,
Charitate, Castitate, Humilitate, Man-
suetudine, Patientia, Sobrietate, &c. Mo-
ribusq; tibi placitis, & [Sacerdote] fidelis
seruo tuo dignis excolere studeam. Idq;
ut seruitus mea magis tibi placeat: Ad ma-
iorem gloriam tuam, Ecclesiæ utilitatem,
& propriam proximiq; salutem.

Abnegationis sui & Unionis cum Deo.

Vnde tandem supplex rogo, ut per vir-
tutem Corporis & Sanguinis tui, abstra-
has cor meum efficaciter ab omnibus no-
xijs affectibus N... qui gustum ac fru-
ctum huius Sacramenti impediunt, & in-
timè tibi vnias & incorpores, ut gustem
quām suauissim, Domine, & unus tecum
efficiar spiritus: ut tu in me, & ego in te
maneam, adeoq; nihil sit, quod me un-
quam separare valeat à te. Nam tibi ad-
hærere mihi bonum est, &c. Quid enim
mihi est in cœlo, & à te quid volui
super terram? ô pars mea Deus
in æternum!

C A-